



Il mas-chalch da Sent

Publicaziuns officialas. Cumpara seguond bsögn.
2003/2005
no. 7

7554 Sent, 11 gün 2003 / bm

20. Stafetta tras Sent venderdi, als 13 gün 2003

Per la **stafetta da giubileum** vaina fixà ün program ün pa special! Adonta da quai dess l'arrandschamaint restar simpel e spontan, cul böt da promover in prüma lingia la cumünanza e'l contact tanter generaziuns. Probabelmaing ans gradgia da pudair artschaiver üna squadra da prominents. Duri Bezzola, Cusglie Naziunal e president „Swiss Ski“, Risch Biert, pianist, Not Vital, artist, Marc Gianola, hocaianer professiunal (HC Davos) e Fadri Mosca, Champiun mundial „Snowboard“ 97 s'han fingià annunzchats.

program:

18.30-19.00	scumpart da nomers
19.00-19.30	preschantaziun dals prominents cun cuorta intervista
19.30-19.50	s-chodar aint
20.00	partenza sü l'ultim bat da las ot
20.20-20.45	rangaziun ed autograms
20.45 ca.	tschaina cun risotto e ... (per minchün)

cun trategnimaint da la **FIRST GUGGIBAND**

infuormaziuns ed annunzchas: Arno Felix ed Andri Gritti

Inauguraziun da la sarinera Sur En

Als 6 november 2001 ha la radunanza cumünala approvà il credit per realisar la sarinera a Sur En. A partir dals 16 october 2002 ha l'indiriz pudü gnir tut in funcziun.

I'ns fa grond plaschair da pudair invidar a tuot la populaziun da tour part a l'inauguraziun da la sarinera a Sur En, chi ha lö in **sonda, 14 gün 2003** a partir da las **13.30** pro la sarinera a Sur En. Per pudair preschantar a nossa populaziun l'indiriz nouv, esa previs da demonstrar, co cha la sarinera funcziuna. Davopro spordscha il Cumün ün aperitiv. Nus sperain sün gronda participaziun.

Il Cussagl cumünal

Viadi per attempats

No vain plaschair dad invidar a tuot ils attempats a nos viadi annual ad **Achensee**. In **venderdi, als 4 lügl 2003** (in cas da trid'ora lündeschdi, als 7 lügl 2003) partina a las **08.00 davent da Plaz**. Il viadi cuosta frs. 40.--, il giantar frs. 25.-- per persuna. La società da duonnas spordscha il giantar per tuot quels sur 70 ons. Tour cun sai la carta d'identità, euros (per café ed ev. per ir ün toc culla barcha).

Annunzchas piglian incunter fin als **25 gün 2003** Feliza Salomon (081/864 03 58) ed Annatöna Pult (081/864 86 82). Minchün es amiaivelmaing invidà, natüralmaing eir tuot nossas commembras.

Società da duonnas

La Swisscom füss pronta dad installar eir a Sent l'ADSL. Els sun però avisats dad avoir ün tschert nummer d'abunents (min. ca. 25). Chi chi vess interess vi da l'ADSL, dess s'annunzchar pro'l büro cumünal.

Administraziun cumünala

Giantar cumünaivel

Gövgia, als 19 gün 2003 gio'l restorant **Sper l'En**, Sur En.

(Nus vain stuvü müdar il di e'l restorant). Partenza davent da la posta per quels chi nu van cul auto privat a las **11.42**. Annunzchas piglia incunter duonna Erica Clalüna, tel: 081/864 07 59.

Jörg Büchel, rav.

Società da tregants Sent

Tirs obligatorics – Iplant da tir Urezzas

Ils tirs obligatorics pel 2003 sun gnüts fixats sco segua☐

2. tir obligatoric

venderdi

13 gün 2003

18.00 – 20.00

ultim tir obligaroric

venderdi

29 avuost 2003

18.00 – 20.00

Il comitè da la Società da tregants Sent

Traversada da Sent

La 9avla Traversada da Sent ha lö quist on **sonda, als 5 lügl 2003**.

Taluns d'annunzcha (gruppas d'almain 3 persunas) pon gnir retrats i'l büro da trafic Sent.

Id es eir pussibel da s'annunzchar per internet: www.sent-online.ch/societats/traversada.

Pels organisateurs: Georg Buchli

Fluors dals bügls

Quels chi pulischan ils bügls dessan far il bain güsta eir da dar aua las fluors. Grazcha fich!

Società da trafic, Sent

Ulteriurs sponsurs - 100 ons società d' allevamaint

Società da chavras, Sent, Società da bescha, Sent, Benderer Giacomini, Sent

Nus ingrazchain cordialmaing.

Società d'allevamaint Sent

Exposiziun da las lavurs manualas e da la scoula da cusir

L'exposiziun ha lö in **gövgia, 26 gün 2003** a partir da las 13:30 fin las 21:00 in chasa da scoula, cun stüva da caffè.

Amiaivelmaing invida

ils scolars e la magistraglia

Acziun da tschireschas

L'uffizi da provedimaint maina tras quist on ün'acziun da tschireschas. (Vair placats)

Postaziuns vegnan tuttas incunter cul fögl da postaziun suotvart da subit fin **il plü tard venderdi,**

20 gün 2003, a las 17.30.

Postaziuns chi aintran plü tard **nu** vegnan plü **resguardadas**.

Fögl da postaziun per tschireschas:

Il suottascrit ordinescha quattras:

..... chaistinas tschireschas à 10 kg pel predscha da fr. 35.50 la chaistina.

Telefon:

Nom e prenom:

Uffizi da provedimaint

/3